

重修廣平府志卷二十一

經政略

建置一

城池

永年縣

倚郭

城周九里十三步高三丈五尺廣二丈五尺門四東曰

陽和西曰保和南曰陽明北曰貞元池深二丈闊十五

丈

舊志

舊土城唐以前周六里二百四十步元侍郎王偉

守郡增築如今制明成化間知府熊懷修葺陞舊無水

知府李進濬池引水種荷植柳

案宋史郭進傳周顯德中官洛州團練使嘗於

城四面植柳種荷後益繁茂據此則郡之城池引水種荷不自李進始也

嘉靖二十一年知

府陳俎增高城垣登以甃石建城樓四角樓四鋪舍二

重修鳳陽府志 卷二十一
十六內置甬道二十九以便戍守四十三年知府崔大德加修重垣於郭以防漳淦水患崇禎十一年推官余忠宸知縣宋祖乙濬池十二年知府歐陽主生改築舊堞增添鋪舍各甕城外設重門樓櫓

國朝康熙七年城爲水浸傾圯數處知府劉光榮重修咸豐二年知縣陳政典補葺外垣五年修南城樓六年知府長啟修東西城樓九年知府王啟曾修北城樓濬池並啟安民閘引水注濠同治三年知府楊毓枬郡人武澄清四年知府李朝儀知縣王德炳郡人武汝清相繼修葺

畿輔通志
參縣志

光緒十年知府張斯桂繆彝知縣楊誠

一重修

房冊 明陸泰記略廣郡北通燕涿南達鄭衛東連齊魯西接秦晉史稱漳河間一大都會前

守王君偉熊君懷相繼城之而累土列墉每易剝蝕無可恃爲久安計嘉靖壬寅敵犯太原廣與接境郡侯陳君俎乃倡議輒之二十年來刁斗不警夜戶不扃民獲安於無虞者陳侯之功也第城瀕洛溢二河每秋雨至勢極澎湃若建瓴然癸亥秋霍潦洩旬河輒泛溢平地水高丈餘城不浸者數版幸守土諸君子百計衣柳以砥障之僅免陷溺於戲亦沾於危矣水旣定而輒圯者十之二三於是卽議修復而時詘未果甲子春侍御愚齋董公學奉命按茲土屬有司捐公貲千金以倡爰筮日諏吉鳩工聚材肇於甲子之四月越秋八月而竣事其環亘高闊樓櫓鋪舍楹券門垣悉因乎舊復於門外各加重垣以防水患巍然煥然視昔有加焉於是廣之士庶胥慶生聚靡有蕩析凡皆成城之功也夫郡城之守固爲不逞之徒斬關走壙者設非虞水爲患也然寇盜孔棘宵晝無虞猶得以偵緩急謹封圉以禦之而水之爲勢奔騰澎湃橫潰四溢豈人謀所能爲力哉癸亥之患設非是城以障之郡其沼矣則是役之不容緩也彰矣而是役之有功於民也抑又偉矣 國朝王啟曾

記略咸豐二年成都陳政典令永年時值粵逆北犯城多傾圯陳君修整之並城之南樓工未畢以奉諱去六年知府長啟修東西城樓九年四月余忝權斯郡見城之北樓僅存故址因慨然曰是誠吾之責也比部武君汝清余同曹舊好也相與議重修之舉並約闔郡諸君子擇期興造未及兩月而北樓工竣又兩月而濠池工竣登樓憑眺見水色瀾漫心竊樂之轉瞬楊柳沿隄芰荷四面蝦肥魚美蘆葦參差非獨可以資捍禦壯觀瞻向之水利從此可議興矣惟溯查此利不知始於何年歸官經理官理其事食其利可也乃皆假手於僕隸始而與官分其利繼且欺官而專其利專之不已勢必由把持而侵盜利與弊相循矣以有用之利徒養無用之人揆諸勦此利者之本意必不若是前任太守棗陽史策先將此利讓歸書院余步史公後因其美意而推廣之計每歲水利所出一助書院薪水之資一備浚水隄工之費取之自然用之不濫是史公爲其難余爲其易也夫利之所在有讓之者卽有爭之者數十年後官不必皆爲史公紳不必皆爲諸君子將來此利不侵於官必侵於民人事之變遷固未可知余將去矣城垣尙需補築濠池尙需深鑿書院舊地或有被人侵盜者尙需

清釐惟願繼余而來者補余志之所未逮後之人於余亦猶余之於前人也則幸甚武勳朝記略己丑冬廣平府重修城垣告竣在事官紳議勒石以記其事乞予爲文且曰非欲以示功也將使後之人有所考稽踵其事而時葺之或更推廣其意而善爲之則斯城之幸也廣郡故城創自李唐以前元時始擴而大之明自成化後迭加增修規模益具國朝以來屢壞於水隨時修葺具在誌乘近年城垣多形酥齟門鐵剝落木質壞損癸未楊侯誠一令永年欲爲重修計猶重勞民未果也乙酉調任去是秋霖雨洩旬溢水漲溢自蓮花口決隄灌入環浸城闔以致周圍俱有塌陷南城近門一段傾頽尤甚丙戌楊侯復莅永年慨然曰是不可待矣時太守張公斯桂甫至廣郡相與共商各先捐廉以爲倡遂得闢城文武員弁及紳衆勸諭樂輸共捐金四千許戊子春次第興作嗣以工程浩大經費漸絀幾致束手適太守繆公彝署府事楊侯以情告繆公曰此郡城也非永一邑事吾請圖之凡廣郡所屬州縣各令勸募捐輸復得金三千有奇事乃濟今年春太守吳公中彥來守是邦見而喜之曰輸財者好義任事者服勞不有獎勵何以勸後因請功牌徧給之示勸也是役也楊侯創其

謀前後太守成其事所以屏藩國家保障地方者意深遠矣而官紳勤勞自效同心共濟又若是乃皆不自以爲功急急於後日之圖何其所見之大哉故謹書其意以告來者

四關閣門在南關者建最久道光五年知縣沈惇厚重修同治七年禦東捻有效因增築垛口並添建東西北

三關閣門

縣志 邑人武汝清建置三閣記郡南關高閣崔巍不知建自何時道光初年歸安沈公

惇厚知縣事重加修葺高閣峻嶒上聳自午橋觀之規模宏壯誠巨觀也東關閣基僅存半壁北關小閣門僅可容車祇存閣之名耳與關廂住戶絕不聯屬西關則並無基址同治八年髮捻北竄夾城過一晝夜不絕約十餘萬人賊夥竟直逼關西昭龍廟前無堵禦者東西北三關住戶皆遷移於城惟南閣上置巨礮擊賊三里外防守綦嚴人民得以安居乃知關製閣門可以護衛關廂且可作郡城保障紳衆乃商之太尊李公朝儀邑侯王公德炳挪借修城項四千串又陸續勸捐得京錢五千餘串鳩工庀材東西北高閣煥然而起乃爲三關

之鎖鑰南閣則規模略易閣上圍牆改砌垛口
閣外又修造吊橋其法較舊製更為嚴密云

臨洛鎮城在府治西四十五里城周南北二百二十丈
東西半之高一丈九尺廣一丈八尺門六池深二丈闊
五丈明嘉靖二十一年知府陳俎知縣閻文貴沿舊址
重築土城敵樓四臺堞具備舊志明設巡檢萬曆二十六
年移通判駐之

國朝道光二十二年通判缺裁移同知駐此同治六年同

知林世俊重修

縣志明連鑛記略臨洛距郡西五十里先為州縣治久之淪革城郭廢圯遺

址猶存我朝為鎮置巡檢司驛遞各一以詰姦暴時將
迎焉而蔽衛鮮預前郡守南鄭張公羽業城之未果遷
去嘉靖壬寅邊人不戒蹂躪晉鄙郡守河陽陳公俎按
行及洛日寇來何禦吾茲城焉以奠若有衆乃俾永年

令閭侯文貴相厥宜躬詣其間設表位定方基炎暑罔
數百執事亦熙熙惟謹始六月中旬秋九月告成力取
諸民之願役者鎮三千五百人鄉二千又益鄰邑之助
者數如鄉需取諸民之願輸者無強其所不便城之制
南北二百二十丈東西袤半之基廣一丈八尺高一丈
九尺作南北二門制以三重東西二門象之又作小東
西門重其二以從便也城上作樓四樓各三楹臺堞俱
備又於城下作隍隍內作道隍深二丈廣五尺道視隍
爲廣城內亦作道廣視隍深凡城隍所占田又括其租
值而償復之罔窳民用不以病焉功成之日遠邇胥懽
由是鎮人大夫士抵書於京屬爲記余惟二公敦信愛
民之心罔間而終始誠事則同故並著之督工事者經
厯楊宦千戶高登鎮協
工人士附諸碑陰云

曲周縣

城周五里十三步高二丈四尺廣九尺門四東曰崇化
西曰永安南曰景盛北曰拱辰池深一丈五尺闊一丈

四尺

舊志

舊無城明成化四年知縣王佐始築土城正德

七年知縣丁鉞增高改築如今制并建成樓濬池嘉靖

間知縣牛斗引淦水入焉二十二年推官羅肅

舊志作鼎誤

甓城堞萬厯間通判江中淮知縣高出王祚昌相繼甃

以甃舊有東西甃城四十六年知縣趙蔭昌增建南北

甃城

舊志改築甃城作趙蔭昌增南北甃城作李巖非是

崇禎間知縣李巖

國朝順治間知縣李時茂各有修葺

雍正通志

乾隆間知縣陸

拱辰勞宗發重修城樓嘉慶間知縣奚繼徽劉雲引淦

水入池尋廢同治三年知縣王延桂於東橋迤南開閘

挑濬引河導水注隍

縣志明童緣記略曲周舊無城郭邇者王君來宰是邑將有事於

興築焉適朝廷命下俾京畿近地郡縣之無城郭者增
築於是君志益堅乃庀工於戊子之三月十五日民皆
樂爲之役不踰月而告成建四門皆以鐵爲之其上各
架樓三楹爲飛觀城之外有淦河去縣治四百步源出
河南磁州西南流經廣平四縣界下入洛河車騎往來
渡以方舟行者病之君復慨然爲己責乃爲輿梁旬日
而落成入利於涉此皆王君躬勞率下悅以使人量功
命日可謂難能矣君名佐字良輔雲中故靖遠伯之裔
孫宰深澤復任是邑方三載而其政教之著已如此是
皆可書國朝勞宗發記略曲居平原無高山大川之
限惟恃垣墉屹屹以壯金湯余自乾隆丙寅春三月來
任曲安周覽城垣雉堞完好惟東西北三隅間有損壞
蓋前人築土易甄漸加鞏固而修葺繕完固不能無待
於來者矣繼閱城樓則東向堅整餘悉敗瓦頽牆壁立
城上詢之吏胥僉云某令以疾故戡形家言盡毀以厭
之嗟乎毀之何其易成之何其難也乃捐俸葺其三之
廢圯者閱兩月告竣是役也所費半取諸公半則捐俸
入之不敢累吾民昔人云居官如傳舍余正慮其傳舍
也失今不治迨至去官一無所事司土之謂何工既畢
別顏四門之額書工之日月勒石以爲之記趙大山

記略曲城創於明之中葉萬厯間邑令馬公重修厯年
久遠風雨侵蝕向之巍然屹然者今則有若覆屋辛酉
歲東寇猖狂曲邑首先被難固劫運使然亦由藩籬不
固守禦難憑不得盡諉諸氣數也是歲夏五月今太守
蔭軒余公攝篆斯邑爾時賊氛尙熾不時蠢動公枕戈
待旦仗劍先驅而欲重樹藩籬日不暇給越明年我侯
秋卿王公來撫是邦下車伊始周視城垣慨欲興築因
軍書旁午伏莽時興意不果行今幸烽警少息二麥有
秋乃邀商同城教佐營汛招集紳耆爰籌經費適值蔭
軒翁巡疆到曲尤賴剴切勸諭於是秋卿邑侯首捐清
俸爲一邑倡延紳士之賢且才者司其事按畝出資分
段授工陷者蠶以輒兀者冠以雉傾欹者砌以土石一
時斤者斲者圻者築者皆踴躍趨功鼓舞從事不數月
而工竣由是瞭望則有樓睥睨則有堞發號而警衆也
則有鐘鼓鼙爾彈丸固若金湯然則斯城之修固不僅
爲曲邑幸也而已先爲曲邑幸矣 案是記言萬厯間
邑令馬公重修攷舊志及曲
周新舊志皆不載未知所本

肥鄉縣

城周五里一百十八步高三丈

舊志作二丈

廣二丈

舊志作一丈

門四

通志 畿輔

東曰玉川西曰長樂南曰陽和北曰永安

池深一丈闊二丈舊城在列人隄東後移隄西宋熙甯

間築明正德間漳水衝毀知縣張博古重修嘉靖十二

年知縣梁承福甃其堞三十一年知縣潘鑪增築水溝

角樓天啟二年城圯於漳知縣王國祚修葺崇禎十二

年知縣郝綱改建甌城

明李燧有記

國朝順治十八年知縣張翼補修甕城康熙四年漳水溢

城盡圯寄治城東舊店營雍正九年知縣王建中捐築

土城並濬池遷復舊治

舊志

乾隆三十二年始甃以甌添

建城樓四咸豐十年知縣楊毓柑重新內外牆垣四城樓並添建外城門及礮臺鋪舍濬池改建弔橋同治五年知縣尋鑾晉再濬池復於外岸栽棘刺以固隄

縣志明

梁桐記略初黃臺古寇京師飛檄報警邦畿地勢坦直無險可據守民相視奔散撫臣乃督守令修城池築墩堡以壯形勢固人心至慮也我縣令潘公屬民而告曰肥去京師僅千里當設備惟土城水溝不具雨積輒圯門樓傾折難障風雨吾將修補之厥庫儲蓄備調支吾不敢耗歲歉民艱苦吾不敢重歛當捐俸以成之作水溝四十條角樓四門樓加修飾四閱月告成時嘉靖王子冬十一月翼翼乎壯哉縣矣縣屬廣平府府亦土城前太守封邱陳公俎大聚甄石砌之爲名股肱郡足以羽翼京師矣公力成此役是爲郡增羽翼也守令眞得人哉國朝王建中記略肥鄉古衡漳列人蒲地戰國時爲趙境縣治居邑之中四方至者道里均焉其沿建創置載在志書可考也康熙乙巳秋漳河泛溢崩壞城郭官舍民廬悉沒於巨浸因就邑東偏舊店營僦民舍

以爲治所逼狹隘制度荒陋倉庫監獄悉無防衛人大不便迨後漳水南徙大名界數十年來肥鮮水患舊城土脈墳起而高衆咸思復其所雍正庚戌秋余承乏斯邑巡井里見茲舊治適中宜民而地氣葱鬱騰秀有煥發之象因與紳耆重謀修復余首倡捐廉邑人士踴躍投資給役不戒而集諸生宋錦等司籍董工旬稽出入經始於辛亥之三月十有三日建四門門各冠以樓繼建縣署若庫若獄悉完且固他如巡按行臺兩學宅舍弁兵營房亦以次興舉十月農隙小春爰議浚隍爲城城高十有八尺厚八尺計周五里一百十八步按社分工民樂趨事閱兩旬而告竣辛亥十有一月紳士固請遷居徙之日老幼趨觀充衢物路奉觴攜榼以迎者十餘里許邑人士環向而言曰茲治之圯而東徙也幾歷年所矣前之官斯土者俱視爲傳舍誰肯肩荷此任而惟公明決始能勞來匡直未期月而使七十載舊邦重新成此丕績是大有造於吾肥者也誠不可以無記教諭賈廷梅訓導趙時傑典史鮑守德皆有捐俸相工之助例得並書 宋錦記略康熙乙巳漳水暴漲陷塌城垣城中之官舍民房學宮隍廟盡屬泥封不可復識而縣治遂東康熙己亥前令王公能任謀之紳耆請諸

上憲慨然捐俸修復鳩工伊始適奉使解運西陲邑人
程學禮宋應魁等監修前後兩堂八楹內署樓房十一
間美哉始基之矣未克底成厥績若有待於我公也公
甫下車以查倉詣茲土觀形勢相規模躍然興起曰此
雄域也舊店營之湫隘不及此萬一所見與前令同而
剛果信敏過之閱明年辛亥二月上丁集衆建議首輸
養廉百金以爲倡生員李之綱等莫不踴躍用命爲之
募資財聚木石瓴甓諸物料以贊公之大舉始於暮春
之月而告成於乙陽之初猗歟盛哉何其神也非公之
剛果不撓於物議大信足以勞民勤敏足以任事烏能
不疾而速無所窒礙若斯哉趙文濂記略肥鄉自雍
正辛亥錦川王公鑿池修城移復舊治迄今百三十年
濠漸淤平城垣傾圯尤甚者內牆殘缺數百丈是不可
緩之工也咸豐己未湘南楊樹屏明府抵任頻年旱蝗
勢不暇及庚申八月召紳士李占魁張夢星王琴堂分
段監修未踰月而畢工於是殘缺者粗完而人不能通
行矣辛酉二月山東教匪倡亂肥鄉正當兵衝樹屏劉
光陞共議城守四月賊入縣境而防勦兼施幸無事八
月秋收甫畢仍飭三人分段興工迄九月而內外牆之
場陷處一律完整矣十月挑挖城濠計丈尺量遠近村

分工以均勞逸衆志咸奮裹糧羣集五日工畢濠外遍栽棘刺以固隄岸而資捍衛惟牛馬牆尙未修安十一月賊從臨清渡河直抵城下難民入城者咸得安全同治壬戌鼎新四城樓內外牆垣癸亥正月添建四門城樓及改建吊橋二月賊復入縣境四鄉焚掠幾遍城中難民三十餘萬人賴以安堵如常賊兩次撲城且戰且修工未停止又以風雨時至城守維艱修城上窠鋪十二座及牛馬牆迄五月以次葺事而城池頓復舊觀挑挖城濠民捐民辦經費不計城工經費計銀若干樹屏捐廉倡率之光陞勸捐足成之並在事諸公皆與有勞焉得備書於碑陰

雞澤縣

城周四里

舊志作五里

一百七十步高二丈

舊志作一丈

八尺廣

一丈四尺

縣志舊志作三尺

門四東曰望魯西曰通晉南曰迎

薰北曰拱極池深一丈五尺闊二丈

舊志

城在隋唐徙置

不一金初寄治北擡頭村大定中創築土垣元至正十五年縣尹霍安道重修並濬池明成化十八年城沒於水知縣譚肅修增甕城戍樓宏治十八年知縣邵錦正德五年知縣銀鏡相繼修築嘉靖十一年知縣周文定重建南北城樓十五年知縣于慧重建東西城樓二十年知縣曹希魯濬池三十六年知縣張廷槐易堞以甗增建鋪舍四十二年知縣常世勳重建東西城門萬厯八年知縣張受道二十年知縣曹孔榮各有增修崇禎十三年知縣賈益謙改建甗城高廣如今制

國朝乾隆十六年知縣王光燮濬池自邢家隄引溢水入